

## Даалгъвран

### күцәджәнә

Хө бсгггәнә болн хөбнә ноосна гарциг икдүүлгәнә тускар партин болн правительствин бичгин хәрүд Яшкульск района 108-ч номертә совхозин ах хөбч Лиджиев Лидж, Алдр Октябрин 40-ч өбнд нерәдсн социалистическ дөрлдәнд орлцад, бий деерән социалистическ даалгъвр авла.

—Социалистическ даалгъвр авнә гиснтн—зуг амн үг келгән биш. Авсн даалгъвран күцәхин төлә, сүв седвәр, шунлт кергтә, эс гилж ямаран чигн көдлмшт, нег үлү, хө бсгггәнә халхд диилвр күцхәр седдж болш уга,— гидж ах хөбч Лиджиев келнә.

Тернә йирин үнн. Хөбчин көдлмш—күндл көдлмш болг. Хөбч күн—өрүнәс авн үд күртл хөбнә ард йовна. Хөд үдлә ус орчкад, амрад кевтцхәнә, хөбчд болхла амрлан уга. 800 шаху хөн заагт, өтсн-шархтсн бәәнә, гемтсн бәәнә, тедниг цугтагъинь олдж, неджәдәр бәрәд, дөнъ-тус күргх кергтә. Тиигдж, салу-салуднә эмнллгъ хәләвр эс кехлә хөбнә ямаран чигн бички шарвг-шалтр газра авад, гем болад саалтган хәлдәнә.

Урднә эн хөбчин отарт хөн икәр гарутдж йовла. Ола хөбнә гару темдгтә кевәр багърсн бәәнә. Июль болн август сармудт ут-турштан 15 хөн гарутв. Сентябрь—октябрь сард гару гарх зөв уга.

Отарин улс 1958 джилд, хөн болгънас багъ гихдән 5-д килограмм ноос авхар ноолдж йовна. Хөн болгънас ик ноос авхин төлә оданас кошар, дулан хашагъан ясдж, малин увлзньгүр өвсн зөбгддж йовна. Лиджиевин отарин улс хөбгъан хәләгъә йовдж, эвтә цаган олзлдж, элл-ахун көдлмшт нөкд болцхана.

Көдлмштән дурта, шунлтта ах хөбч Лиджиевин бригадин улс, Алдр Октябрин 40 өбнд нерәдсн социалистическ дөрлдәнә тугиг улм өбдән өргдж, авсн даалгъвран үзм-джтә сәәнәр күцәхн лавта.

М. МОЛОДЕЦ,

совхозин эклц партийн организацин сегләтр.